

S26
388423

麋 驢

部

牛 麝香 阿膠

牛 虎骨 狷

酪 犀角 鼠

酥 象膽

羊 熊膽

豕 羴羊角

狗

第二十三本



本草述卷三十一

潛江劉若金先生著 武進薛恮秉之氏校訂

獸部

馬

弘景曰馬色類甚多人藥以純白者爲良 時珍

曰大抵馬以西北者爲勝東南者劣弱不及

白馬陰莖 氣味甘鹹平無毒 主治傷中絕脈

陰不起強志益氣長肌肉肥健生子益丈夫陰氣

之頤曰本經取馬以白爲良故五畜以馬爲金

也蓋十二辰午爲馬謂陰始生於午六陽之化太

馬

本草述

卷三十一

獸部

一

金

陰之屬也是主手太陰肺足太陰脾藏真濡於脾

脾藏肌肉之氣也故主長肌肉而肥健藏真高於

肺以行營衛陰陽也故主傷中絕脈而益氣若強

志有子為水藏事水以金為母土為制制則化生

耳若主陰痿不起正陰始生於午自強而不息應

陰以陽紀也春秋說題辭曰地精為馬十二月而生應陰紀陽以合功說曰

陰乾同肉菰蓉等分為末蜜丸梧子大每空心酒

下四十九日再

脛骨白馬者良氣味甘寒無毒丹溪曰白馬脛骨

煅過存性降陰火中氣不足者用之可代黃芩黃



連

懸蹄

赤白馬俱入用

氣味甘平無毒

主治療腸

瘀血殺蟲又燒灰入鹽少許摻走馬疳蝕甚

附方

損傷瘀血在腹用白馬蹄燒烟盡研末

酒服方寸匕日三夜一血化為水也腸癰腹痛

其狀兩耳輪甲錯腹痛或遶臍有瘡如粟下膿血

用馬蹄灰和雞子白塗即拔毒氣出蟲蝕肛爛

見五臟則死以豬脂和馬蹄灰綿裹導入下部日

數度瘥

白馬通

時珍曰馬屎曰通馬屎曰洞豬屎曰零



皆諱其名也凡屎必達音洞腸乃出故曰通曰洞

一 洞即廣腸也 氣味微溫無毒 鑑源云馬屎煨

火養一切藥也 主治止渴止吐血下血鼻衄

瘡出血婦人崩中別錄 仲景方吐血不止柏葉湯

主之柏葉乾薑各二兩艾三把以水五升取馬通

汁一升合煮取一升分溫再服凡吐血不已則氣

血皆虛虛則生寒是故用柏葉柏葉生而西向乃

稟兌金之氣而生可制肝木木主生金主降取其

升降相配夫婦之道合則血得以歸藏於肝矣故

用是為君乾薑性熱止而不走用補虛寒之血艾



葉之溫能入內而不炎於上可使陰陽之氣反歸
於裏以補其寒用二味爲佐馬通者爲血生於
心屬午於是用午獸之通主降火消停血引歸
行爲使

愚按馬畜生於午却爲六陽之極而生陰取其進
氣者故五畜不以屬火而屬金也凡用之以療疾
當須識此義之頤所說是矣第簡方書用之者寥
寥何哉又按十二辰馬居午然五畜反云午火
曰其畜羊蓋卽羊之無瞳人則羊稟於火氣居多
而水氣少也以是而推馬之無膽馬無膽非無膽之形質諒少膽

氣耳以火無胃之義推之也因其火極而化土土盛而金之生

氣旺矣金旺則木之生氣微故首出之甲木無氣

然有肝者乙木生於午也如之頤謂其火勝不能

生木猶未為深詣耳然則素問以火歸羊以金歸

馬誠為察物之精者歟而論金出於庚以庚為

修治水研絞汁服燒灰溫酒或水服

牛

時珍曰牛有犛

音秦

牛水牛二種犛牛小而水牛大

犛牛有黃黑赤白駁雜數色水牛色青蒼大腹銳

頭其狀類豬角若擔不能與虎鬪亦有白色者



按犛牛卽俗之所謂黃牛也

黃牛肉 氣味甘溫無毒 主治安中益氣養脾

胃

別錄

時珍曰韓忞言牛肉補氣與黃芪同功

丹溪朱氏創倉法論而引申觸類則牛之補土可

心解矣

丹溪創倉論曰腸胃爲積穀之室故謂

之倉創者推陳以致新也胃屬土受物而不能自

運七情五味有傷中宮停痰積血互相纏糾發爲

癰瘕爲勞瘵爲蠱脹成形成質爲窠爲日以生百

病而中宮愆和自非丸散所能去也此方出自西

域異人其法用肥嫩牡黃牛肉二十斤洗極淨長

流水煮成麋去滓取液再熬成琥珀色收之每飲一鍾隨又飲至數十鍾寒月溫而飲病在上則令吐在下則令利在中則令吐利在入活變吐利後必渴卽服其所出之小便一二椀亦可蕩滌餘垢睡二日乃食淡粥養半月卽精神強健沉疴悉亡也須五年忌牛肉蓋牛坤土也黃土色也以順德配乾牡之用也肉者胃之藥也熟而爲液無形之物也故能由腸胃而透肌膚毛竅爪甲無所不到在表者因吐而得汗在清道者自吐而去在濁道者自利而除有如洪水泛漲陳莖順流而去盎然

牛
渙然潤澤枯槁而有精爽之樂也

一名霞天膏

氣味甘溫無毒

主治中風偏癱

口眼歪斜痰涎壅塞五臟六腑留痰宿飲癰瘰癧

足皮膚中痰核

希雍曰胃屬土爲水穀之海無

物不受胃病則水穀不能以時運化羈留而爲痰

飲壅塞經絡則爲積痰老痰結痰等證陰虛內熱

生痰則爲偏廢口眼歪斜留滯腸胃則爲宿飲癰

塊隨氣上涌則爲喘急迷悶流注肌肉則爲結核

王隱君論人之諸疾悉由於痰然而痰之所生總

由於脾胃虛不能運化所致惟用霞天膏以治諸

痰證者蓋牛土畜也黃土色也肉者胃之味也熬而爲液雖有形而無濁質也以脾胃所主之物治脾胃所生之病故能由腸胃而滲透肌膚毛竅搜剔一切留結也陰虛內熱之人往往多痰此則由於水涸火熾煎熬津液凝結爲痰膠固難散者亦須以此和竹瀝貝母橘紅蘇子栝樓根枸骨葉之類消之或以橘皮白茯苓蘇子白豆蔻仁半夏蒼朮爲麴治脾胃積痰或以橘皮貝母蘇子栝樓根及仁蓬砂爲麴治積熱痰結

乳 氣味甘微寒無毒 弘景曰犛牛乳佳 恭

曰犛牛乳性平生飲令人利熱飲令人口乾溫可也水牛乳作酪濃厚勝犛牛造石蜜須之

藏氣

曰黑牛乳勝黃牛凡服乳必煮一二沸停冷

藏氣

熱食即壅不欲頓服與酸物相反令人腹中癥結

患冷氣人忌之合生魚食作癥 主治補虛羸

別錄

養心肺解熱毒

日華子

治反胃熱噦潤大腸

時珍冷補

下熱氣

藏器

治氣痢除疸黃老人煮食有益

時珍丹

溪曰反胃噎膈大便燥結宜牛羊乳時時咽之並

服四物湯為上策不可用人乳人乳有飲食之毒

七情之火也 時珍曰乳煎葦芡治痢有效蓋一

直道
卷之三十一
六
還讀山房

寒一熱能和陰陽耳獨異志所云唐太宗苦氣痢
衆醫不效金吾長張寶藏具疏以乳煎葦茈方主
服之立愈頓授三品文官鴻臚寺卿此亦一徵也
其方用牛乳半斤葦茈三錢同煎減半空腹頓服
希雍曰牛乳乃牛之血液所化甘寒能養血脈
潤五臟 同人乳羊乳梨汁蘆根汁蔗漿熬膏治
反胃噎膈大便燥結宜時時飲之兼能止消渴
愚按牛稟土德而乳又其血液所化似於入胃解
熱毒潤枯燥是其適治故反胃噎膈丹溪謂時時
服之者爲上策確有見也第治下虛消渴方誠合

牛

髓乳

本草

卷之三十

獸部

七

重寶山

於冷補下熱氣之說而所云老人有益者殊亦不
謬老人恒患血液枯燥以致上熱下虛此味潤枯
而上熱除則即能下行以補虛矣蓋人中年以後
下之陰氣不能生全藉後天所生者以爲下之餘
地若液潤則熱除血和則氣降在下血海自有滋
益如之何不宜於老人哉 附方 下虛消渴心
脾中熱下焦虛冷小便多者牛羊乳每飲三四合
病後虛弱取七歲以下五歲以上黃牛乳一升
水四升煎取一升稍稍飲至一日止
髓 黑牛黃牛 氣味甘溫無毒 主治補中填骨

髓本經續絕傷別錄平胃氣通十二經脈思邈治瘰病以

黑牛髓地黃汁白蜜等分煎服孟詵附方補精

潤肺壯陽助胃用煉牛髓四兩胡桃肉四兩杏仁

泥四兩山藥末半斤煉蜜一斤同搗成膏以瓶盛

湯煮一日每服一匙空心服之

膽臘月黃牛青牛者良氣味苦大寒無毒主治臘月釀

槐子服明目治疳溼彌佳蘇恭釀南星末陰乾治驚

風有奇功蘇頌釀黑豆百日後取出每夜吞一枚鎮

肝明目藥性

希雍曰脾胃虛寒者忌之目病非風熱者不宜用

喉白水牛

療反胃吐食取一具去膜及兩頭筋

節以醋浸炙燥燒存性每服一錢米飲下神效

時珍曰按普濟方云反胃吐食藥物不下結服

三五日至七八日大便不通如此者必死昔金川

周禪師得正胃散方於異人十痊八九用白水牛

喉一條去兩頭節并筋膜脂肉及如阿膠黑片收

之臨時旋炙用米醋一盞浸之微火炙乾淬之再

炙再淬醋盡爲度研末厚紙包收或遇陰溼時微

火烘之再收遇此疾每服一錢食前陳米飲調下

輕者一服立效

牛角鰓 一名角胎

時珍曰此卽角尖中腎骨也牛之

有鰓如魚之有鰓故名胎者言在角內也

氣味苦溫無毒 甄權曰苦甘 主治下閉血瘀

血疼痛女人帶下血燔之酒服 本經 黃牛者燒之主

婦人血崩大便下血血痢 宗奭 水牛者燒之止婦人

血崩赤白帶下冷痢瀉血 藥性

愚按時珍曰牛角鰓筋之粹骨之餘而鰓又角之

精也乃厥陰少陰血分之藥斯言是矣以故燒之

能治血病蓋血爲真陰之化醇腎主至陰肝爲血

臟牛屬土而益太陰之脾其角之精者燒而用之